

佛不作功德不得真知識而欲逮得薩云若

是事不然故須菩提菩薩摩訶薩欲學般若波羅蜜者當供養佛當作功德當得真知識須菩提言世尊菩薩何以故當供養佛作諸功德得真知識乃逮薩云若佛言以無有溫和拘舍羅故不從諸佛聞溫和拘舍羅事

功德未具足未逮真知識故世尊菩薩當具足何等溫和拘舍羅乃當逮得薩云若佛言

菩薩從初發意已來持薩云若意行檀波羅蜜施於三乘亦施人及非人皆具足薩云若念亦無施想亦無受者想亦無行檀波羅蜜想何以故諸想法者亦無所有亦無所生亦

無所滅觀見諸法亦無轉還者皆度諸法之想不見諸法有所作以具足溫和拘舍羅者便增益諸功德已增益功德者便行檀波羅蜜教化衆生淨佛國者亦不自受其報但欲益於衆生所作不受其報行檀波羅蜜但欲度脫一切衆生

## 放光摩訶般若波羅蜜經卷第二十四

### 放光摩訶般若波羅蜜經卷第二十五 菩

西晉三藏無羅叉共竺叔蘭奉

譯

#### 教化衆生品第七十四

復次須菩提菩薩摩訶薩以薩云若念從初發意不離薩云若念行口波羅蜜意初不墮姪怒癡亦不念姪怒癡亦不爲所纏裹諸不

入道檢事嫉妬惡戒恚意懈怠亂意愚癡頑嚚自用著於吾我及二地意悉無何以故皆知諸法相空皆知諸法無所有無所成觀見諸法皆無轉還皆解諸法相度諸世事處於無爲具足溫和拘舍羅增益功德爲行尸波羅蜜教化衆生淨佛國土亦不於世受尸波

羅蜜之報至般若波羅蜜但欲益於一切教化衆生復次湏菩提菩薩行四禪四等四無形禪雖行諸禪不受禪福何以故以惄和拘舍羅知諸禪相皆空亦知動還者復次湏菩提菩薩行般若波羅蜜從初發意行惄和拘舍羅行觀行淨亦不趣湏施洹不取湏施洹果至阿羅漢亦不取其果何以故知諸法相空及知不轉還法亦行三十七品過於二地湏菩提是爲菩薩摩訶薩無所從生法忍善薩行般若波羅蜜行八惟無禪及九次第亦不取湏施洹道何以故悉知諸法相空知不動還復次湏菩提菩薩行佛十力業及四無

所畏四無礙慧佛十八法大慈大悲淨佛國土教化衆生然後乃逮薩云若菩薩當作是行般若波羅蜜湏菩提白佛言世尊菩薩摩訶薩其智甚廣大乃行是深法然不受其報佛言如是如是湏菩提所以者何菩薩於所有處不動不轉世尊何等爲於所有處不動

卷二十五  
二

不轉佛言於無所有而不動轉於五陰所有不轉於六波羅蜜所有不轉於諸禪四等所有不轉於三十七品所有不轉於三脫門所有不轉於大慈大悲所有不轉於十力十八法所有不轉所以者何是諸法所有皆無所有故湏菩提不可以無所有逮覺所有湏菩提言世尊寧可持所有逮覺所有不佛言不也湏菩提言世尊寧可持無所有逮覺無所有不佛言不也如是世尊將無所有逮無所覺耶佛言有逮覺不以是四句世尊是逮覺當云何佛言諸逮覺者亦非所有亦非無所有逮覺者亦非戲言亦非不戲言湏菩提言世

卷二十五  
二

尊何等是菩薩戲言佛言五陰有常無常是菩薩戲言五陰苦樂者是菩薩戲言五陰是我所非我所是菩薩戲言五陰淨不淨者是菩薩戲言分別知五陰者是菩薩戲言知四諦者是菩薩戲言念四禪四等及四無形禪三十七品總三脫門八惟無九次第禪是菩

薩戲言我得湏陁洹道至阿羅漢辟支佛道是菩薩戲言我具足菩薩十住是菩薩戲言我淨佛國土教化衆生是菩薩戲言我具十力四無所畏四無礙慧佛十八法是菩薩戲言我逮薩云若是菩薩戲言我盡諸習緒是菩薩戲言菩薩行般若波羅蜜五陰有常無

常亦不戲亦不不戲乃至薩云若有常無常亦不戲亦不不戲所以者何於所有亦不戲所有於無所有亦不戲無所有於所有無所有中亦不戲無不戲是故湏菩提五陰及薩云若爲非戲也菩薩於般若波羅蜜行亦不以戲湏菩提言云何五陰不戲乃至薩云若不戲佛告湏菩提五陰無所有乃至薩云若亦無所有諸法無所有者皆非戲以是故五陰及薩云若皆無有戲湏菩提菩薩作是學般若波羅蜜者得上菩薩位湏菩提言世尊諸法所有尚不可得云何得菩薩位爲用二地爲用佛道乎持何等行得位佛言菩薩亦

梵

梵三十五

三

不以二道亦不以佛道也徧學諸道乃上菩薩位如第八賢聖徧學諸道雖在平等地未受果證菩薩亦如是皆行諸道得菩薩位未及薩云若未得金剛三昧得功德時乃具足逮薩云若湏菩提言世尊若菩薩徧學諸道余乃上位者菩薩爲復在第八地取湏陁洹道耶在斯陁舍地得斯陁舍道在阿那含地得阿那含道在阿羅漢地得阿羅漢道在辟支佛地得辟支佛道在佛地得佛道耶此諸道既各自異世尊云何言菩薩皆當徧學諸道上菩薩位耶若菩薩於是八地受八道者是終不然在菩薩位便逮薩云然者亦復不然若菩薩得聲聞辟支佛道至薩云然者亦復不然世尊我當云何知菩薩徧入諸道上菩薩位佛告湏菩提如汝所言菩薩終不於八地得湏陁洹及羅漢辟支佛道以逮薩云若湏菩提菩薩從初發意常行六波羅蜜以慧見八地何等八淨地性地四賢聖八地觀

地薄地無姓地已辨地辟支佛地以慧觀過於八地以道慧過菩薩位過位已以薩云若慧捨諸習緒湏菩提第八地者是菩薩之忍湏施洹斯施含阿那含慧及習緒除亦是羅漢慧觀亦是菩薩辟支佛慧亦是菩薩忍具足聲聞辟支佛道以道慧上菩薩位以薩云若慧除諸習緒以是故湏菩提菩薩當偏具足諸道全乃成阿彌多羅三耶三菩阿惟三佛成阿惟三佛已爲衆生作道地湏菩提白佛言世尊所說三乘聲聞辟支佛佛道何等爲道慧之道佛言當起諸道淨於諸道偏觀衆事及相貌像盡覺盡知皆偏知已當教一切分流廣化偏採音聲令得大聲偏三千大千刹土當如響相以是故菩薩當偏具足諸道當知道慧悉知衆生之意亦當知泥犁復知泥犁之趣亦當知衆生罪報當斷泥犁緣作罪之報薜荔畜生亦當知之薜荔畜生緣作報應悉當斷之當知眞陀羅摩睺勒諸龍

閱義當知人之因緣人道果報亦當知天從四天王上至三十三天亦當知天人因緣天人果報當知三十七品法三脫門法亦當知十力亦當知四禪四等及四空定大慈大悲佛十八法盡知是已立諸衆生於三乘之道湏菩提是爲菩薩具足道慧菩薩學是已皆知衆生意之所願已知所願如應說法初不斷絕所以者何普知衆生根生死之趣菩薩當作是行般若波羅蜜菩薩所可應行法三十七品所行二地所行盡入般若波羅蜜中故湏菩提白佛言世尊諸法及三十七品及道法是諸法亦不合亦不散亦無有形亦不可見一相一相者則無相云何能致道是法亦不見亦無有形一相一相者則無相云何能致道世尊譬如虛空亦無所沒亦無所致佛言如是如是湏菩提是空法亦無所致亦無所趣以衆生不知法相無所有故佛爲說三十七品及諸法有所致有所辦雖余湏菩

提所有五陰六波羅蜜內空外空及有無空三十七品四禪四等及四空定四無礙慧四無所畏佛十力十八不共大慈大悲至薩云若於賢聖法律亦不合亦不散亦無有形亦不可見亦無有對一相無相如來以是故欲度脫衆生以世俗因緣而說是教非第一最

大智

卷七十五

五

義是故菩薩當篤學諸道以慧觀隨習俗於法中有應用者不應用者何等是菩薩應用何等是菩薩所不應用羅漢辟支佛道以慧觀學而所不用以薩云若慧當用諸法菩薩如是於賢聖法律當學般若波羅蜜湏菩提白佛言世尊所說賢聖律賢聖律者爲何謂佛告湏善提聲聞辟支佛菩薩摩訶薩如來無所著等正覺亦不與姪怒癡合亦不不合是我所非我所亦不合亦不散亦不孤疑亦不不孤疑於戒行亦不合亦不散於欲於色不於無色界亦不合亦不散於不黠及頑恨亦不合非不合兇暴亦不合非不合於四禪四

等及四空定三十七品大慈大悲及有爲無爲性亦不合亦不散何以故以諸法無有形不可見無有對一相無相無色不與無色合亦不散不可見不與不可見合亦不散無有對不與無對合亦不散一相不與一相合亦不散無相不與無相合亦不散湏菩提是名爲賢聖律亦無形不可得見亦無對一相無相是菩薩無相度菩薩當作是學作是學已當得諸法無相湏菩提白佛言世尊爲不學色聲香味細滑識法相耶不學地水火風空識相耶不學六波羅蜜相耶不學有無空相耶不學四禪四等及四空定三十七品三昧門相十力四無所畏四無礙慧佛十八法大慈大悲四諦相賢聖相不學逆順十二因緣相耶不學有爲無爲性相耶於是諸法無相亦不學所作相亦不學菩薩當云何過於二地上菩薩位已云何遠薩云若遠薩云若已云何轉法輪轉法輪已云何以三

乘法度脫衆生佛告須菩提若諸法有相者菩薩當學諸法相諸法無形亦不可見亦無有對一相一相者則無相是故菩薩亦不學相亦不學無相云何作是問佛言若前有相後便有相亦前法無相故後亦無相是故菩薩亦不學相亦不學無相所以者何有佛無

芥放光二十一六

佛一相性常住如故須菩提白佛言世尊若諸法非相非無相云何爲念般若波羅蜜菩薩若不念般若波羅蜜者不能過於二地不過二地者不能過菩薩位不能過菩薩位者不得無所從生不得無所從生者不得菩薩神通不得神通者不能淨佛土教化衆生不

淨佛土教化衆生者不能逮薩云若未逮薩云若者不能轉法輪不能轉法輪者不能安立衆生於三乘法亦不能安立衆生於三福地一者施二者戒三者念諸善法佛言如是如是須菩提諸法亦非無相亦非一相無相之法當云何念般若波羅蜜須菩提般若波

羅蜜者非菩薩之念菩薩以無念是爲般若波羅蜜相須菩提言世尊云何無念是般若波羅蜜相佛言於諸法無所念是爲般若波羅蜜相云何於諸法無所念佛言不念五陰六情是爲般若波羅蜜念不念色聲香味細滑識法是般若波羅蜜念不念不淨是般若波羅蜜念不念四禪四等及四空定是般若波羅蜜念不念三尊不念三福是般若波羅蜜念不念滅盡不念安般守意是般若波羅蜜念不念無常想苦想非我想不念四顛倒十二因緣不念吾我壽命及知見想是般若波羅蜜念不念三脫門不念三十七品法是

芥放光二十五七

般若波羅蜜念不念八惟無九次第禪不念四諦是般若波羅蜜念不念十慧不念六波羅蜜不念内外空及有無空是般若波羅蜜念不念十力不念四無所畏四無礙慧佛十八法不念大慈大悲是般若波羅蜜念不念須陀洹及羅漢辟支佛是般若波羅蜜念不

念薩云若是般若波羅蜜念不念斷諸習緒是般若波羅蜜念湏菩提白佛言世尊云何不念五陰乃至斷諸習緒復不念是般若波羅蜜念佛言菩薩行般若波羅蜜亦不念五陰無所有何以故湏菩提諸有相者無有般若波羅蜜念不念姪怒癡所有不念無道之處所有何以故諸有相者爲無般若波羅蜜念諸有相者爲無六波羅蜜何以故諸有貪者亦無有六波羅蜜是名爲著諸有縛著者無有度脫湏菩提著有者無有三十七道品念亦無三脫門念乃至薩云若亦無念何以故縛著於有故湏菩提白佛言何等爲有何等爲無有佛言有一者爲有世尊何等爲二佛言五陰相者爲二十二乘相者爲二有佛相者爲二有道相有爲無爲相者是則爲二湏菩提一切想乃至無有想是皆爲二道有二便有已有便有世間衆生不得離生老病免憂悲勤苦以是故湏菩提當知有一者無

有六波羅蜜亦無有道亦無所遠亦無所覺何況能捨五陰及薩云若者佛告湏菩提尚無道念那得湏隨洹至羅漢辟支佛道那得離諸習緒

放光摩訶般若波羅蜜經無堅要品第七十五

尔時湏菩提白佛言世尊假令有相者不得順忍不得逮覺若無相者當得順忍不當及聲聞八地不當及辟支佛地不當及菩薩地不可得度脫不能得道念不能令羅漢辟支佛習緒除不能使菩薩得上菩薩位不上菩薩位已能得薩云若已能滅諸習緒不世尊若無意若不生意不起是法相

放光三十五

八

可逮薩云若不佛告湏菩提如是如是無有相者亦無有順忍亦不能除諸習緒復問世尊菩薩行般若波羅蜜有相意耶於五陰有相耶乃至薩云若有相耶有姪怒癡相無有相耶乃至薩云若有相耶有姪怒癡相無有近盡相耶有覺有覺盡相耶有愛有愛盡相

耶有受有受盡相耶有有有盡相耶有生  
有生盡相耶有死有死盡相耶有憂悲勤苦  
有憂悲勤苦盡相耶有苦有苦盡相耶有四  
諦有四諦盡相耶有薩云若有薩云若盡相  
耶有習緒有習緒盡相耶佛言不也湏菩提  
菩薩行般若波羅蜜亦無有相亦無無相湏  
菩提菩薩順忍者則無相是菩薩無有相則  
爲念道無有有相無有無相則是菩薩之果  
報佛言有相則是菩薩道無相則遠覺是故  
湏菩提當知諸法所有皆無所有湏菩提白  
佛言世尊若無所有云何於無所有中得遠  
覺而於諸法得自在佛告湏菩提我本爲菩  
薩行六波羅蜜從第一禪至第四禪觀禪性  
不念貢高亦不倚禪亦不味禪於四禪事寂  
靜無所希望已安足於禪便處於神通天眼  
徹視天耳徹聽意知他人宿命所從來自識  
宿命便飛行雖亦不以是神通貢高不味不  
倚於六通無所分別湏菩提我以應一合相

智成阿耨多羅三耶三善便覺四諦具足如  
來十力四無所畏四無礙慧佛十八法處衆  
生於三乘湏菩提白佛言世尊如來云何於  
無所有中起四禪六通無所有衆生爲無所  
有如來云何安立衆生於三乘佛告湏菩提  
若姪怒癡及餘諸非法之事若所有無所  
有者我爲菩薩時不於有無中起四禪是故  
湏菩提亦不有所有亦不無所有是故我初  
發意行菩薩道時行四禪佛告湏菩提若神  
通中當所有無所有者我終不於神通中  
學所有無所有而成阿耨多羅三耶三善以  
於神通知所有無所有故成阿耨多羅三耶  
三善湏菩提白佛言若菩薩於諸法所有無  
所有於禪五通成阿耨多羅三耶三善云何  
菩薩於無所有法中未曾所知能知未曾所  
學得學從是中成阿耨多羅三耶三善佛告  
湏菩提菩薩已從過去諸佛所供養若干佛  
菩薩所從諸佛聞無所有中無有佛無有辟

支佛無所有中無有羅漢無所有中無有衆賢聖從無所有中無有毛髮許所有菩薩作是念言無所有中亦無有須陀洹乃至佛皆無所有以諸法無所有故我或成阿耨多羅三耶三善我或不成阿耨多羅三耶三善假令我當成阿耨多羅三耶三善者諸可有智相衆生我當立著無相地須菩提諸有菩薩成阿耨多羅三耶三善者欲度脫衆生故便習未曾習者未曾學者未曾受者便學便受於諸過去諸佛所學先學六波羅蜜勸人使行六波羅蜜見人行者代其歡喜以布施無貪垢故便得大富以布施故便守戒便得天上人中尊以布施故便得三昧以布施持戒忍辱精進禪故便得智慧品解脫品見解脫慧品持是諸品及六波羅蜜得過二地上菩薩位已上位已便淨佛土化衆生便逮薩云若轉法輪以三乘度衆生須菩提善薩以是先當從檀波羅蜜起次得諸慧是亦不可得

何以故無有實故復次須菩提菩薩從初發意已來自持戒勸人持戒見人持戒代其歡喜以持戒得天上人中之豪貧者以財施之復以戒三昧智慧解脫見解脫慧而立之以五品之德過出二地上菩薩位度脫衆生便逮未曾所知所學所習皆學知習之何以故欲習無所有故復次須菩提菩薩行忍勸人使行見人行忍代其歡喜飽足衆生以財安立戒以五品之德過於二地上菩薩位何以故所施與亦無有要故復次須菩提菩薩自行精進於善勸人精進見人精進代其歡喜復以財物給足衆生以戒忍辱五品之德過出二地上菩薩位何以故所施亦無有要故復次須菩提菩薩行四禪四等四無形定勸人令行見人行者代其歡喜以住於禪布施窮乏教令智慧解脫見慧過出二地上菩薩位何以故所有者無有要故復次須菩提菩薩從發意已來行般若波羅蜜以財給足衆

生立以於戒三昧智慧解脫見慧自行六度勸人令行見人行者代其歡喜以漚和拘舍羅過於二地上善薩位成阿耨多羅三耶三菩何以故無有形故湏菩提菩薩從是便得本所不學本所不知本所不應皆學皆知皆得所應復次湏菩提菩薩學諸未曾學者從

放光三十五十一

初發意已來常有薩云若念解諸有無之事便念三尊行常念天行念戒念施念佛問湏菩提云何爲念佛念佛者不以色痛想行諸念何以故五陰無有堅要故無堅要者爲無所有何以故念佛者爲無念復次湏菩提如來無所著等正覺不當以三十二相八十種好念不當以金色光明念何以故佛形無有堅要故無堅要者爲無所有念佛者爲無念復次湏菩提如來無所著等正覺不當戒性智慧品三昧品解脫品見解脫品不當以是五品念如來何以故以是無有堅實故無有堅者爲無所有念佛者爲無念復次湏菩提

念如來不以十力念不以四無所畏念四等大慈大悲佛十八法四無礙慧不以是念如來何以故無有堅實故不堅實者無所有念佛者爲無念復次湏菩提念如來者不以十二因緣念何以故無有堅要無堅要者爲無所有念佛者爲無念湏菩提菩薩行般若波羅蜜者當作佛念以是故知次第學未曾學者習未曾應者具足悉應順至諸道應作是學具足三十七品及三三昧便具足薩云若慧便應所有無所有覺不堅固要便得所有無所有處湏菩提云何爲法念菩薩行般若波羅蜜亦不當念善惡法亦不念當受割不受割亦不當念俗法道法亦不念有漏無漏法亦不念賢法愚法亦不念三界法亦不念有爲無爲性法何以故諸法無有堅要無有堅要者爲無所有念法爲無所念學法念以應所有無所有便逮薩云若便逮所有無所有處湏菩提菩薩當作法念湏菩提菩薩當

云何念僧菩薩從初發意至薩云若常念僧爲無念如是湏菩提菩薩當作僧念湏菩提菩薩云何念戒行般若波羅蜜從初發意已來不缺於戒不差於戒善攝於戒當念有無如是念者爲順所應便遠薩云若無有有無之處湏菩提云何菩薩念施所有無所有應

未

故九二五

十二

施所可物施及以法施於中不起亂意亦不念有所施無所施雖持身命支節布施於中亦不起亂意何以故無有堅要故無堅要者則無所有常念於施至成阿耨多羅三耶三菩湏菩提菩薩云何當作天念諸湏陀洹生四天上者至于六天諸生天者無有堅要無

當無所有亦無佛無法無比丘僧亦無有道亦無果報亦無著斷亦無遠覺諸法亦皆無所有佛告湏菩提諸法有所有無所有可得見不湏菩提言不可得世尊湏菩提云何言諸法所有皆無所有五陰及遠覺耶湏菩提白佛言世尊我於是法無有狐疑但爲當來

未

故九二五

十三

堅要者爲無所有湏菩提當順是念至成薩云若湏菩提諸阿那含生於色天及無色天亦無堅要無堅要者爲無所有菩薩當順是念至成阿耨多羅三耶三菩湏菩提菩薩常念六念順其所應復次湏菩提菩薩行般若波羅蜜欲學所順所習欲成諸功德當學內

之世三乘道家恐或言若諸法所有無所有阿誰著者阿誰斷者不知著斷之事便能敗戒毀戒不知所趣如是敗戒行者各各趣三惡趣世尊我不敢有狐疑我畏當來之世是故問如來耳

放光摩訶般若波羅蜜經無倚相品第七十六

於時湧菩提白佛言世尊菩薩摩訶薩若諸所有者皆無所有菩薩爲見何等爲衆生發阿耨多羅三耶三善佛告湧菩提菩薩以所有皆無所有故能發阿耨多羅三耶三善何以故諸有倚著者難得解脫有倚相者不得逮覺亦不能成阿耨多羅三耶三善湧菩提白佛言世尊無倚相者爲有逮覺成阿耨多羅三耶三善耶佛言逮覺已阿耨多羅三耶三善則是無所倚以不別法性故欲得無所倚遠覺阿耨多羅三耶三善者則爲欲示一切法性世尊若無所倚者無有逮覺則無有阿耨多羅三耶三善何緣菩薩從第一住至十住耶何因緣得無所從生法忍何因有五通及六波羅蜜之德而受諸法之德攝取佛國教化衆生供養諸佛一切有至般泥洹佛言無所倚者與五通之報等與十住等與六波羅蜜等及供養諸佛功德等以是故至般泥洹供養不斷湧菩提言世尊無所倚及五

通六波羅蜜有何差別佛言無有差別說有差別世尊云何三事有差別佛言菩薩行般若波羅蜜亦不倚所施亦不自倚亦不倚受者至般若波羅蜜亦無所倚行神通亦無所倚行三十七品亦無所倚行三三昧亦無所倚行三十七品亦無所倚行三三昧亦無所倚教化衆生淨佛國土亦無所倚逮覺諸佛法亦無所倚湧菩提是爲菩薩行般若波羅蜜爲無所倚菩薩摩訶薩如是行者諸魔魔天無能壞者湧菩提言世尊云何菩薩行般若波羅蜜一意受持六波羅蜜受四禪四等大慈大悲及一空定四無礙慧四無所畏三十七品總三脫門佛十種力佛十八法云何  
芥放光二十一

受持八十種好佛言菩薩行般若波羅蜜所作施戒忍辱精進及諸禪事皆以般若波羅蜜行及三脫門四等大慈及三十七品所作所念皆不離般若波羅蜜及三三昧佛十種力四無所畏四無礙慧佛十八法八十種好皆不離般若波羅蜜湧菩提言世尊云何菩

菩薩一意行般若波羅蜜受持六波羅蜜乃至八十種好湏菩提言菩薩行般若波羅蜜行六波羅蜜初無二相乃至八十種好亦無二相。世尊云何行六波羅蜜至八十種好不以二相佛言菩薩行般若波羅蜜皆悉具足總持諸波羅蜜及三十七品而行布施湏菩提言

世尊是事云何佛言菩薩行般若波羅蜜時不以漏意行檀波羅蜜於無漏作念言我爲是誰所施何物受者爲誰於是三事無相受念余時亦不見意及所施受者至十八法亦復如是復次湏菩提言菩薩行檀波羅蜜乃至般若波羅蜜亦無有想亦不見六波羅蜜菩薩行般若波羅蜜至八十種好亦無有相亦無所見湏菩提言世尊以無相無所作法云何得具足六波羅蜜云何具足三十七品云何具足三空及十種力云何具足四無所畏佛十八法佛言菩薩行般若波羅蜜以無相施隨衆生所欲或索肌肉妻子國城珍寶所

芥放光金

主

有財穀皆不逆人作是施時或有人來問菩薩言用是無相布施作爲雖有是言我續布施不可斷絕持是布施與衆生共爲阿耨多羅三耶三菩亦無相念亦無施意亦無物意亦無受者意亦不見阿耨多羅三耶三菩意何以故所見一切皆悉空故如是誰爲阿耨多羅三耶三菩者如是作爲則是真作則能淨佛國土教化衆生則爲行六波羅蜜則爲具足三十七品及三脫門則爲具足佛十八法如是行者則爲不受布施之報譬如第六天王有所欲者但念即至菩薩如是但意念諸法皆具足至以布施之德能供養諸佛悉能飽滿諸天及人以漚和拘舍羅行檀波羅蜜安立衆生於三乘法是爲菩薩行般若波羅蜜具足檀波羅蜜湏菩提言世尊云何菩薩行般若波羅蜜具足尸波羅蜜佛言菩薩悉知賢聖無漏道法之戒不毀不亂奉賢聖戒於諸法無所批亦不批五陰亦不批三十

二相亦不批四姓亦不批四天王至三十三天亦不批湏施洹至羅漢辟支佛亦不批轉輪聖王所作功德但欲與衆生共爲薩云若不相不倚亦不以二但爲世事非最要義具足戒已以漚和拘舍羅起四禪不以貪受天眼以天眼觀十方諸佛至成阿耨多羅三耶三菩初不離天眼以天耳淨盡聞諸佛所說經法不失所聞至得自辯悉知諸佛之意知諸佛意已便能饒益一切衆生持識宿命之慧覺諸所作不失本行以無漏之法立衆生於三乘隨衆生所欲而悉授之湏菩提是爲無相具足尸波羅蜜佛言菩薩云何具足於忍從發意至坐道場若衆生來以刀杖捶加於菩薩菩薩終不起意當起二忍一者忍辱二者無所從生法忍起意念言以刀杖捶加我者爲誰受者爲誰當觀法相觀法相者亦無所有亦無所觀無所觀者便得無所從生法忍住二忍已便具足四禪四等及四空定

芥

放光二十五

便具足三十七品及三脫門便具足十力四無所畏四無礙慧菩薩已住是法便得神通非是二地所能及者具足神通已便具足六波羅蜜以天眼慧見十方佛至阿耨多羅三耶三菩不忘佛念復以天耳慧聞十方佛所說教法悉知識佛諸佛所念悉復遠知衆生之意如應說法自知宿命以慧皆識衆生功德持諸善本功德勸勉衆生以漏盡之慧立衆生於三乘菩薩摩訶薩行般若波羅蜜以漚和拘舍羅行教化衆生淨佛國土具足薩云若慧速得阿耨多羅三耶三菩轉於法輪是爲菩薩行般若波羅蜜具足羣提波羅蜜佛言云何菩薩行般若波羅蜜具足爲遠波羅蜜湏菩提菩薩行般若波羅蜜身意精進具足四禪於四禪起便得無數神足變化來往手捫摸日月持是精進徧至十方無數刹土供養諸佛一切所有供養之具至阿耨多羅三耶三菩天世人皆當恭敬是菩薩至

般涅槃以神足到十方聽受諸佛法言所聞法至成阿耨多羅三耶三菩終不忘淨佛國土教化衆生具足薩云若是爲行般若波羅蜜具足惟遠波羅蜜復次湏菩提以無漏道法具足意精進口不言惡身不行惡意不念惡亦不批苦樂有常無常不批有我無我不

芥

放光三十五

七

批有爲無爲不批三界不批四禪及四空定四等三脫門三十七品至十八法亦無所批亦不批聲聞辟支佛不批聲聞辟支佛道亦不批菩薩亦不批菩薩地亦不批五趣亦不分別是天是人是畜生是涅槃是薜荔伽亦不分別是湏陀洹道是羅漢道是辟支佛道亦不分別是菩薩道亦不分别是薩云若亦不批諸法諸道亦不分別所以者何是諸法者皆無有要無可批者亦無可分別者以具足意精進便救一切魔怨衆生救衆生已亦不見衆生具足精進已亦不見精進具足佛法已亦不見佛法淨佛國土亦不見不得具

足精進便受諸善法亦不於是善法中生念徧遊諸國救益衆生所作變化自恣無礙或雨諸華或散諸香或以伎樂鼓樂絃歌事或震動事或以光明或以國土七寶示現或以博奕或現水火隨道而入與爲因緣使行十善或以施戒而攝取之或以支解身體妻子國土或以自身隨衆生意而救攝之湏菩提菩薩以漚和拘舍羅無相行惟遠波羅蜜佛言菩薩行般若波羅蜜住於無相之法行禪菩薩行般若波羅蜜除如來三昧一切餘三昧皆當具足四禪具足四等及四空定皆當逆順行八惟無及九次第禪行空無相無願三昧電光三昧金剛三昧直治三昧住是禪波羅蜜便行三十七品住於三昧具足道慧諸三昧門皆來入是具足道慧具足十住地作行至薩云若終不中道取證於三昧中住遊諸佛刹供養諸佛於諸佛所植諸德本淨佛國土遊諸四域教化衆生廣立衆生

於六波羅蜜或立於湏陁洹斯陁舍阿羅含  
阿羅漢辟支佛隨其所欲而滿其願於是禪  
波羅蜜者悉揔持諸陁隣尼門使得四無礙  
慧便受神通終不墮女人胞胎不受色欲無  
生不生雖生不著於生何以故善觀於幻法  
知所有如幻救濟衆生便得無衆生之相以  
芥放光三五

大

無所得法立衆生於無所得法以世俗數不  
以最上要以禪波羅蜜徧入諸禪及解脫禪  
不得阿釋多羅三耶三苦終不捨禪波羅蜜  
行道慧入薩云若慧便盡習繙爲以自救當  
復救餘救他人已爲諸天及人及阿湏倫而  
作福田如是湏菩提菩薩行般若波羅蜜是  
爲具足無相三昧云何菩薩行般若波羅蜜  
於無相法具足般若波羅蜜念佛言菩薩不  
見法有實成者亦不見五陰實成者亦不見  
五陰生亦不見五陰來往處乃至湏陁洹道  
亦不見所生亦不見來往處以虛空故其實  
不可得亦不見湏陁洹漏盡法行般若波羅

蜜以解有要無要之法如是解者便解內外  
及有無空於諸法無所入亦不入於五陰乃  
至於道亦無所入學無所有般若波羅蜜便  
具足菩薩道何等爲菩薩道則六波羅蜜是  
三十七品十力四無所畏四無礙慧佛十八  
法三十二相八十種好於無所有成佛道具  
足六波羅蜜具足三十七品及五神通隨衆  
生所欲於六度中有貪嫉者以檀波羅蜜授  
之有惡戒者以道戒授之有瞋意者以忍授  
之有懈怠者以精進勸之有亂意者以禪教  
之有愚癡者以慧授之至解脫品解脫見品  
皆以授之有聲聞道意者隨其本應以湏陁  
九  
洹斯陁舍阿那含阿羅漢辟支佛道隨本授  
之有大乘者以佛道授之以是便能作無央  
數變化乃至恒邊沙諸佛國土隨人所欲則  
能變其刹土之好滿諸衆生之願從一佛國  
至一佛國所欲取國土皆隨其願許如第六  
天人所有衣食伎樂隨意即至菩薩以六波

羅蜜行菩薩道隨意所願盡皆具足逮薩云  
若於五陰無所受於一切諸法道法俗法善  
法惡法皆悉具足無所受後成阿耨多羅三  
耶三菩阿惟三佛時國土所有皆悉隨意即  
得無有持來者亦無有持往者亦如第六天  
上何以故諸法無所持亦無所倚湏菩提善  
薩行般若波羅蜜以無所有相是爲具足般  
若波羅蜜

放光般若波羅蜜經卷第二十五 芥五

放光摩訶般若波羅蜜經卷第二十六 林六

西晉三藏無羅義共竺叔蘭奉 詔譯

無有相品第七十七

余時須菩提白佛言世尊菩薩摩訶薩云何  
於無所破壞法無相法無所有法中能具足  
六波羅蜜念云何於是無形法而知差別入

般若波羅蜜中云何於無相法以一相而逮  
正覺佛告須菩提言菩薩摩訶薩行般若波  
羅蜜五陰如幻如響如夢如影如熱時焰如  
化持是五陰行六波羅蜜五陰無相如幻如  
響如夢如影如熱時焰何以故夢幻之法無  
所有故無所有者則一相一相者則無有相  
以是故須菩提當知檀波羅蜜無有相所布  
施乃至受者皆無有相作是知者則爲具足  
檀波羅蜜作是具足檀波羅蜜已終不於六  
波羅蜜轉還便於六波羅蜜中具足四禪四  
等四空定悉具足三十七品具足内外空及  
有無空便具足三脫門具足八惟無九次第  
禪具足五通具足諸陀隣尼門具足四無礙  
慧四無所畏十種力悉具足佛十八法佛語  
須菩提菩薩以住於賢聖無漏法便能飛行  
供養諸佛隨其所安救濟衆生或以布施攝  
取衆生或以戒或以忍或以精進攝取衆生  
或以禪或以智慧攝取衆生隨其所善而教